

Paur kute Ximoximā atāri pi'ôk no'ôk ne ja.

Paur ne ajte Ximoximā pi'ôk no'ôk ne. Krīraxbê Rômakam ne me Paurbê ijê nhym mekbê ijê djàkam dja. Nâm amijamâro dja. Me kute bînmâ ami-jamâro dja. Ne kam krabê Ximoximā pi'ôk no'ôk ne. Jejukôt ne Paur Ximoxio kra. Nhym Ximoxi krīraxbê Epexukam djan memâ Metîndjwînh kabēn'â ujarênh dja. Nhym Paur mete bîn kutâ kum pi'ôk no'ôk ne kum,

—Arȳm ityk 'yr. Arȳm ne ba amijo râm ne ja. Gop arek memâ Metîndjwînh kabêno amirîto aku'ê. Ba ije amâ arênhja dja ga amû idjô'â memâ arë. Gora atyâx ne, ane. Ne ajte kum,

—Amrë Rôma'yr t n ipum , ane. Nâm â Paur Ximoximâ ane. Paur kute kum t x jadj r nhym Ximoxi t x ne kat t kute memâ Metîndjwînh'â ujarênh ne kute memâ Metîndjwînh kab n jar nhm . Nhym me ' x ne kute amijo Jeju nh o me jao ba djwînhja ne me Metîndjwînh kab n kupa'â ar memâ arênhba. Nhym bep Ximoxi g dj  kat t memâ arë. Kadhy ne Paur kum pi'ôk no'ôk ne ano.

1-2 Akmere Ximoxi, ba ib  Paur ne ba amâ pi'ôk no'ôk ne. Im  ak :nhkumr x, akmere, ba kam ajo ikra. Ba ib  Paur, ib  Jeju Kritu nh o  p nh ne ba amâ pi'ôk no'ôk ne. Metîndjwînh ta ne im  ar n ijano, ije memâ ar nhm  ijano. Metîndjwînh ne arȳm me bam  kab n pydjin ar , me baj  arȳm amim Kritu Jeju markumr xkam ne kute me baj 

tīnmā me bamā kabēn pydjin arē, gu me batīn rā'ā rā'āmā. Ba kam ô'ā memā arēnhō tē.

Gê Metīndjwŷnh ajo djuw mex. Kritu Jeju gu banhō Bēnjadjwŷrmē Bāmbê Metīndjwŷnh ar ukaprīkôt ajo djuw mex ne ar ajo ba. Gê arkum akaprī ne amā umar mex jarē, ga kam adjumar mex ne ar aba.

³ Ê, nā bām aman kam mā Metīndjwŷnhmā amikīnh jarē. Metīndjwŷnh ta, kumā ne ba amikīnh jarēn kum ajarē. Kumā ne ba idjāpênh. Ije amikam ijaxwe 'õ mar kêt ne kum idjāpênh iba. Me bakukāmāre ne ã Metīndjwŷnhmā àpênh ar bao ane ba kam badjwŷ ã kum idjāpênh ar ibao ane.

⁴ Abenbê gu babikjêr kutā amȳrkam ije amar rā'ā. Akamàtkammē a'urimē ba aman kam te ije apumūnh prâme. Dja ba apumūn kam arȳm ikīnhkumrêx ne. ⁵ Ba ije prîne amar. Ga ne ga aje akabēno aben nhikjê kêt ne tu amim Jeju markumrêx ba arȳm ama. Akwatynh Roxdjimē anā Juniximē ne ar ã akajmâtā amim Jeju kamnhîxo ane. Ga kam gadjwŷ ar kôpdji'ã tu amikajmâ'ã Jeju markumrêx. Ba kam arȳm amā ikator mex ne.

Tu kum me uma kêtma' ã karō.

⁶ Kam ne ba ije amā ikabēn jarênhmā. Aje amimar kadgy ne ba akubyn amā arē. Ê, ije ajā aminhikra djirkam Metīndjwŷnh kute amā mȳjja rerja dja ga tu markumrêx ne ar o aban on ajte atŷx ne kum adjâpênh tŷx ne. Tu amā me uma kêt ne memā Jeju jarē. ⁷ Djām me batīn prâm ne ar babamā got Metīndjwŷnh me bawyr ta Karō jano. Arkati, me batŷx ne ar baban bamā aben jabêñ

baje amipnênh ne ar babamã. Nãm ã Metindjwînh Karõ me bajo ane.

⁸ Kam dja ga apijàm kêt ne tu memã Jeju'ã ajarën ajte badjwì ikam apijàm kêt ne. Nã bãm Kritu'ã idjujarênh ny jarênh tê nhym me mekbê ijê djàkam imë. Kam dja ga ikam apijàm kêt ne. Nhym bep kati, dja ga tu atyx ne memã Jeju'ã ajarë nhym me kum Jeju kurêkam kôt kum akurên akam ngryk ne ajo ajkë ga kam ikudjwa atokry. Kwârïk wânh rã'ã Metindjwînh dja on amã tÿx jadjà, atokry katikôt amã tÿx jadjà ga kam atyx ne ar aba.

⁹ Nà, Metindjwînh ta, kute me bapytàr djwînh dja amã tÿx jadjà. Nãm me bapytàn amiwyr me bajuw, me bamextire ne ar baba kadŷ ne amiwyr me bajuw. Mâ ne gu me nê nhym Metindjwînh kôt me bapytà? Djäm me bamex ne ar babakôt ne me bapytà? Arkati, ta ne tu me bajã amim karõ, ukaprïkôt ne tu me bajã amim karõn kam amiwyr me bajuwn me bapytà. Me baje tu amim Kritu Jeju markumrëxkam me bapytà. Amrëbê:, kute pyka nhipêx kêttri ne Metindjwînh ukaprïkôt me bajã amim karõ, Jeju Kritu kute me bapytarmã ne amim me bajã karõ. ¹⁰ Amrëbê ne me bajã amim karõn kam ajbir me bamã o amirît. Kritu Jeju, me bapytàr djwînh arÿm me bawyr têñ bôx ne me bamã Metindjwînh djukaprïo amirît. Arÿm ne bôx ne me bamã me batyko apêx gu me tu batinkumrëx, me batyk nhijukri batñ rã'ã:n amû ijkri batyk kêtkumrëx ne. Be, Metindjwînh ukaprïja pumû. Nhym me Jeju'ã gwaj badjujarênh nykôt arÿm kuma.

¹¹ Kam ne Metindjwînh ijano. Kum idjapênh ne me kunimã kàj bê Jeju'ã idjujarênhmã ijano ba tê.

Ije me kunīmā kukrādjà ny jarēnh nhym me kute marmā. Kadžy ne ijano ba tē. ¹² Nā bām tēn memā arē nhym me kam ijo ajkē. Jeju'ā idjujarēnhkōt ijo ajkē ba itokry. Djā nā bām kam ipijām? Arkati, arȳm ne ba tu amim Jeju kamnhīxkumrēx ne kam arȳm prīne amim àtāri. Gēdja prīne ije Jejumā amikangakam prīne ijo djuw mex ne ijāno dja. Ne ijāno ām rā'ā: nhym õ akati arȳm 'yr bôx nhym akubyn me bawyr bôx. Tām ne ba mar tȳx ne amijā kamnhīx ne.

¹³ Gora ije amā katàt ikabēn jarēnhja amija-makkrekam anhōn 'āno djan ikōpdji'ā kōt ar amijo aba. Ne aje arȳm amikajmā'ā Kritu Jeju marja 'āno djan kōt tu amā me kunī jabē ne. ¹⁴ Ě, Metīndjwȳnh kute katàt memā kabēn jarēnhja ga aje kōt ar amijo abaja gora mā kōt ar amijo aba rā'ā. Nhym Metīndjwȳnh Karō kute me bakam krīja dja ajo tȳx ga kam kōt ar amijo aba.

¹⁵ Pykabē Adjijkam me kunī ne me ikangan mō, me umaje mō ga arȳm ama. Nhym Pijerumē Emodjedjwȳ mekōt ikanga.

¹⁶ Nhym bep ate ne Nexipôr. Tām ne imā kīnh jadjar mexkumrēx. Ne ajte imā kīnh jadjà. Nām imā kīnh jangjēnh krāptī ne. Me kute ibē ijēkam pijām kēt ne. Kum me uma kēt ne. Gē pānh Bēnjadjwȳr Jeju kum kaprī. Kum Nexipôrmē ōbikwa kunī ar kaprī. ¹⁷ Nām krīraxbē Rōmakam ajbir bôx ne prī:ne ijabej. Ijabej tēn ijabej tēn ijabej tēn kam imā kato. ¹⁸ Amrēbē krīraxbē Epexukamdjwȳ ikōt àpēnhja ga arȳm aje mar mex. Nām apȳnh mȳjja kupēn o ikōt kangō. Gē Bēnjadjwȳr Jeju kum kaprī, Bēnjadjwȳr akubyn bôxkam kum kaprī. Tām ne ja.

2

Ãm tìx ne rerek kête mā kute arēnh.

¹ Be, akmere Ximoxi, gora atìyx. Kritu Jeju ta ukaprīköt dja ajo djuw mex ne ajo tìx ga kam atìyx ne ar aba. ² Ë, gop ikabēn ma. Ba ije me ipôkri memā ikabēn jarēnh nhym me krāptī kute mar ga gadjwì aje marja tām dja ga amidjō'ã me kwymā arē. Me mrāmri kabēnkumrēxmā dja ga arē. Me kute amim Jeju mar 'āno āmmābit dja ga arē nhym kam me akôpdji'ã amū aben nhijuk'ã memā arēnho tē.

³ Ë, me krākamngônhreja pumūn me'ã amijakre. Dja ga abê krākamngônh prâbê te atokryn mā Kritu Jejuköt ajkamē. ⁴ Ë, me krākamngônhre ba kutā kute amijangri tìx ne kute tu myjja mar kêt ne mūm mrânhbit kute marja pumū. Jabit ne me kute mar ne ba. Me kute atemā myjja kajgo mar kêt ne tu ba, me õ bēnjadjwîr kute memā kabēn mex jarēnh ne mekam kînh kadjy. Gadjwì dja ga ã amijo anhîr ar o aban anhō Bēnjadjwîr Jeju Kritu kabēnköt amrânhbit aje mar nhym kôt kute apumûnh ne akam kînh kadjy.

⁵ Ë, dja ga me kute aben rerdjwì pumûn me'ã amijakre. Gadjwì dja ga ã anen Kritu Jeju kukràdjàkötbit ar amijo aba. Me kute aben rerkam dja me mrânh tìx'õ pydjin me bakukràdjà tûmköt me kure. Nhym kam me kumâbit kînh djà ngã. Be, gadjwì dja ga ã anen Kritu Jeju kukràdjàkötbit ar amijo aban kam kàjkwamā 'yr bôx.

⁶ Ë, dja ga ajte me õ pur djwînh kam àpênh rax pumûn me'ã amijakre. Näm me õ pur djwînh amim pur jadjuwn arym kam djwì kre nhym arym

abatành ne. Nhym me õ pur djwŷnh kumrêx kam djwŷ kr n ar m k nh ne. Dja ga '  amijakren adj p nh rax ne. Nhym kam Met ndjw nh am  o p nh ne. ⁷  , dja ga ikab nja mar ar o aba. Nhym kam t mr m dja B njadjw r djw nh ar m ano b  ga kam ar m m yjja kun  ma.

⁸  , Jeju Kritu dja ga om . B njadjw r raxb  Dawi t mdjw  ' . Ga tyk ne akubyn t n ne katorja pum . Kukr dj  ny'  ne ba ar idjujar nh ibaja, ⁹ Jeju kukr dj  ny'  ar idjujar nh ibak t ne me kum ikur n ijo ajk  ba itokry ga me kute idjuwpreja pum . N m me ijo ijaxwen idjuwpre ba n .  , dj  n m me idjuwpren o meb  Met ndjw nh kab nb  apt ? Kati, dja me '  ujar nh t m r '  ne am  abendj '  pyka kun k t abenm  ar . ¹⁰ Kam ne ba te itokryn Met ndjw nh ' no djan tu ate ikr . M yj kadjy? Bir, Met ndjw nh nh  me ja kadjy, Met ndjw nh kute amijo me ut rja kadjy. Me jadwj  Kritu Jeju kute me ut r nhym me k t   k jkwa mextirekam ar ba r ' : r ' m .   k jkwa mextire, kam m yjja punu k t, pr ne mexo kute pykab  m yjja ja jakrenh,   k jkwa mextire jakam me ar ba r '  r ' m . Kam ne ba te itokryja. Me jadwj  kute amim Jeju mar nhym kute me ut rm .

¹¹ Mr mri ne me abenm ,

—Dja gu me Jejuk t batyk jabej k t ajte bat n.

¹² —Dja me te me bajo ajk  gu me te batokrym m  Jeju ' no djan kam p nh batyk nhijukri akubyn bat n ne bab njadjw r ne ar meo baba.

—Dja gu me amikatin j m Jejub  bakr  nhym adwjw nhdjw  me bab  amikatin j m me bab 

krā.

¹³ —Dja gu me amrēbē baje amijo Jeju pytārkam me krāptījakôt bajaxwe nhym kam Jeju dja me bamar rā'ā ne. Me ba dja gu me amibē kanga nhym bep ta gēdja me bamar rā'ā ne, me bakanga kêt ne. Mȳkam? Bir, ta ne kabēnkumrēx. Kabēn pydji ne me bakadjy arē. Gēdja atemā ajte amibē kabēn 'ō jarēnh kêt ne. Kam dja amibē me bakanga kêt ne. Ŝ, mrāmri ne me ā abenmā kabēnwā jarēnh ane.

Kute memā Metīndjwȳnh kabēn jarēnhmā.

¹⁴ Wānh dja ga ajte akubyn memā tām jarē gē me ajte kuma. Ne ajte memā kum,

—Š, kwārīk wānh me akabēn kukrādjà mȳr jabej abenmā adjākrē kêt ne akabēno aben japanh kêt, ane. Dja ga memā wā jarē, kàj bē memā akabēn jarē. Metīndjwȳnh kute akabēn mar ne akôt kabēnkam memā akabēn jarē gē me kuma. Djā nām me ari abenā atom bakam mex got? Kati, nām me mȳjja man nhȳnh kabēn ja'ō mȳr jabej ajmān ar abeno bikēnh o ba.

¹⁵ Ŝ, gora Metīndjwȳnhmā adjàpēnhkam atȳx. Prīne katàt Metīndjwȳnh kabēn'ā memā adjujarēnh ar aban memā arē. Metīndjwȳnh kabēn ne katàt. Kam dja ga katàt memā 'ā ajarē. Metīndjwȳnh akam kīnh ne kute amā,

—Amexkumrēx. Ba akam ikīnhkumrēx, anhȳr kadjy. Kadjy dja ga adjàpēnhkam atȳx ne kam amikam apijàm kêt ne.

¹⁶ Kwārīk wānh me kabēn kajgo kwārīk wānh nō. Me kabēno kute aben japanh kwārīk wānh nō. Rūm kum akàx. Wā, me kabēn wāo dja me

Metīndjwŷnhbê amiptâr mex ne. Kubê o amiptâro mõn o mõn o mõn ī kubê o amiptâr mex ne arŷm o amipunu mex ne. ¹⁷ Me kabēn punu wã kute wajre pyràk. Ga wajre kute amû me ī kuro baja pumû. Nhym me ujarênh punuja ā prîne meo bikênhô ane. Me ja 'ō nhidjibê ne Imene. 'Ôdjhŷ ne Pireto.

¹⁸ Nâm ar amibê Metīndjwŷnh kabēn kanga, Metīndjwŷnh kute katât memâ kabēn jarênh ja kangan kabēn punuo amû Jeju nêje meo akêxo têñ memâ kum,

—Arŷm apêx. Arŷm Metīndjwŷnh kute akubyn meo tîn djà arŷm apêx, ane. Nâm ā ar memâ 'êxo anen me kwŷo ajkê, me kute amim Jeju mar kwŷo ajkê.

¹⁹ Nhym bep ate ne Metīndjwŷnh kabēn. Metīndjwŷnh kabēn ne mrâmri kabênkumrêx. Kute kēn pyràk, kēn nhŷr tŷxja pyràk. Nâm me te kute kēn nhikô 'yrmâ. Nâm ā Metīndjwŷnh kabêndjhŷ ane nhym me te kute kabēn nhikô'yrmâ. Nhym Metīndjwŷnh kabēn ne memâ kum,

—Bênjadjwŷr djwŷnh ne ta ô me ja prîne arŷm me àtâri ne prîne aryam mekam ama, ane. Ne ajte,

—Gora gê me kute “Ije Bênjadjwŷr Jeju mar” anhŷrja me on mŷjja punu kanga, ane. Nâm ā Metīndjwŷnh kabēn'â pi'ôk no'ôk ane. Nhŷnh ne me'ô ne kute kabēn nhikô'yrmâ.

²⁰ Ê, me'ô bênjadjwŷr nhûrkwâkam ne ngônh apŷnh kute abeno djâri kumex. Kwŷ ne adjênh nhym bep kwŷ ne kajgo. Mexja ne kēn karyo ipêx ne kwŷ kryt jakao ipêx. Nhym bep kajgoja ne ngôkraxmê ngyo ipêx. Tâm ne mŷjja kajgo kadjy. Nhym bep mexja ne mŷjja mex kadjybit.

21 Nhym me prīne ngônh ku'õ nhym kam akan kam mexkumrēx, mỳjja mexkumrēx kadjybit ku'ê. Be, gu me badjwý ngônh'ã amijakren prīne amijaxwe, mỳjja punu kangan kam bamexkumrēx, mỳjja mex kadjybit bamextire. Nhym kam me banhõ Bēnjadjwýr dja arým amim me bapumjuw, kum me badjapênh kadjybit amim me bapumjuw. Gu me kam apýnh badjapênh djàri badjapênho baku'ê.

22 Näm me abatanh nyre kum mỳjja punu prāmkumrēx. Rūm kum akàx ne kubê amiptà. Gê arïk wānh me kute mỳjja punuo bawā arïk wānh memã nō. Nhym bep kati, ga dja ga katât amrānh'ã anopdji. Katât amrānh ne aje amim Jeju kamnhīxbê ar aban amã me abênen mekam angryk kêt ne adjumar mex ne ar aba, be, mỳjja ja dja ga 'äno djan 'ã anopdji ne. Kam gêdja ga ã amijo anhýro tê. Me jamẽ ro'ã ã amijo anhýro tê. Me õkre kadjwýnhbê axwe'õ nõr kêt ne kute Metîndjwýnhmã amijo à'wýrjamẽ ro'ã dja ga ã amijo anhýr o tê. Nhym arïk wānh mỳjja punuwã wām nō.

23 Kwârïk wānh me kute abenã atomwã kwârïk wām nō. Täm ne kajgokumrēx. Täm gêdja wām nō. Djâm kôt mete mỳjja mar got. Kôt ne me kum aben kurêñ kam aben japrÿn abenmã àkrê.

24 Bep kati, ga abê Bēnjadjwýr djwýnh nhõ àpênhkam kwârïk wānh akabêno me apanh kêt. Bēnjadjwýr nhõ àpênh ne me me kunïkam ukaprí ne prīne memã Metîndjwýnh kabën'ã ujarênh mex ne, ngryk kêt ne memã 'ã ajarë. Näm ã Bēnjadjwýr nhõ àpênh ã meo ane.

²⁵ Abē Bēnjadjwŷr nhō àpênhkam dja ga ã o anen kam akrànmã akurê djwŷnhmã akabēn ne tu kum akabēn mex jarē. Birām Metīndjwŷnh dja amikadŷj me ja ngrēk nhym me arŷm amikam ajkam aman wānh axwemã iren 'ŷr amijo akēx ne arŷm Metīndjwŷnh kute katât memã kabēn ja arŷm kum kato. ²⁶ Arŷm Metīndjwŷnh kute katât memã kabēn jarēnh ja man arŷm amim kato. Xatanaj ne me ja pa 'amŷn amiwŷr meo mōn ar meo ba nhym me kam ar kum àpênh ba. Birām Metīndjwŷnh dja amikadŷj akabēno me ngrēk nhym me arŷm amim katon Xatanaj kangan kubê amiptân arŷm jām Jejou amijakre. Kadŷj ne ba amã,

—Akrànmã memã akabēn jarē, ane.

3

Pyka kute o ino rer 'ŷr me axwe raxmã kute arēnh.

Xim k 4.1; Djuda 18

¹ Ě, prīne ikabēn ma. Adjŷm, dja ī me umar punu djà kato. Pyka kute o ino rer 'ŷrkam dja ī me umar punu djà kato. Mŷkam dja me umar punu? Bir, me axwe raxkam. Ije, mā ne me kukrâdjà kute?

Je kum dja ī me apŷnh amijo ba. ² Dja me ōdjŷn kam amidjwŷnhbit man memã mŷjja nhōr kêtakumrēx. Dja me kum nêkrêxmē pi'ôk kaprîbit prâmkumrēx. Dja me amiraxbito amra. Dja me ōkre kadjwŷnhbê amim,

—Ba ne ba imexmē iraxo me akrenh mex ne, ane. Dja me ar me ūno ba. Dja me nâmẽ bām kabēn mar kêtakumrēx. Dja Metīndjwŷnh kute

memā mŷjja nhōrja kunī kubē kīnh no kati. Dja me Metīndjwŷnhbê amiptâr mex ne.

³ Dja me kum aben kīnh kêtakumrêx. Dja me ukaprî kêtakumrêx ne kum aben kurêkumrêx. Dja me aben kâ mex jarê. Dja me amipnêr ar ba kêt ne tu arîk ar ba. Dja me àkrêkumrêx. Dja me kum mŷjja punubit kīnh ne kam kum mŷjja mex kurêkumrêx.

⁴ Dja me kurê djwŷnhmâ õbikwa kanga. Dja me amakkre kêt. Dja me arîk ta amijâ bënjadjwŷr rênh ar o ba. Dja me amidjwŷnhbit o kînh ne kum Metīndjwŷnh kînh kêtakumrêx. ⁵ Dja me 'êx ne mekôt Metīndjwŷnhmâ ngrero krî. Ajkwakambit ne kute Jeju mar. Nhym bep kati, amikadjwŷnhbê kute amikam Jeju mar kêt ne kute uma mar kêtakumrêx. È, kwârîk wânh me ja kôt amrânh kêt ne rûm memâ akre rax.

⁶⁻⁷ È, me arîk baja ne me kwŷ me nire'yr wangij ne atemâ memâ kabêr jarê. Me nire ja ne me no kêt ne axwebit ma ne kum mŷjja punubit prâmkumrêx ne arîk mŷjja punu jabej mrâ. Te kute mŷjja marmâ ne Metîndjwŷnh katât kabêrja mar kêtakumrêx. Be, me nire punu jamâ ne me atemâ kabêr jarê nhym me prîne me kabêr man kôt ar amijo ba.

⁸ Me ja, me kute Metîndjwŷnh kupa'â memâ 'â ujarênhja ne me kute mŷjja punubit mar. Djâm me kute amim Jeju mar got. Arkati, nâm me kum Metîndjwŷnh katât kabêrja kurêkumrêx ne kam me kute Môjdjê kurê djwŷnh pyràk. Me kute me bakukâmârebê Môjdjê kurê djwŷnh ja pyràk. Ar idjibê ne Djanimê Djâmbri ar. Ar tâm ne ar kabêno Môjdjê japanho ba. Nhym me

kute Metīndjwŷnh kupa'ã memã 'ã ujarēnhadjwŷ ã kabēno Metīndjwŷnh kabēn katâtja japanho ane, ne Metīndjwŷnh kabēno mŷjja kajgo ar o ba.

⁹ Bep kati, dja me punuja amijo mrānh 'ijabjê kêt nhym me memã apôx, me axwemẽ me bibânhmẽ me arîk bajamã apôx. Me kute Djanimẽ Djâmbri arkum katorja pyràk. Dja ã me memã apôxo ane nhym me kunî me axwe kôt me omû.

Metīndjwŷnh kabēn jarēnh'ã ukanga kêtma kute arênh.

¹⁰ Nhym bep ga ne ga arȳm iman ikôt ar amijo aba. Ije memã Metīndjwŷnh kabēno amirît ne ije kôt ar amijo iba ne ije Metīndjwŷnho amiptar kadŷ idjâpênho ije amirît ga arȳm kôt prîne ipumûn arȳm prîne idjâtâri. Ije amikajmâtâ Jeju mar ne 'ã ingrâ tŷx ne akrânma ije meo iba ne imã me abê ne ije Jeju 'ano idjâm ne ije kanga kêt ga arȳm kôt ipumû. ¹¹ Me kute ijo bikênh ga ga arȳm itokrykôt ipumû. Krîraxbê Äxikimẽ krîrax 'obê Ikônimẽ krîrax 'obê Rixamẽ kam me kute ijo bikênhkôt ga arȳm ga ipumû. Näm me prîne ijo ajkë ba itokry: ne. Nhym bep B  njadjw  r Jeju ne mŷjja kunîb   ipyt  .

¹² Bir be, mr  mri ne me kute Kritu Jejukôt amijo ban katât mr  nh pr  mja mr  mri dja me kâtam arȳm me jao ajk  .

¹³   , me axwem   me 'êxnh  m   g  dj   me    punu raxo m  r purokam    punu rax mex ne. Dja me memã 'êx ne me noo akno nhym me kam amip  nh me jam   'êx ne me noo biknor mex ne.

¹⁴ Nhym bep ga. Ga dja ga m   kôt amijo aba. Ar ije am   Metīndjwŷnh kab  n jarênh ga arȳm ga prîne aje amim mar dja ga arek 'ano djan kôt ar

amijo aba. Ar ba ar ije amā arēnhja ga arȳm ar ipumū. ¹⁵ Apr̄irekam ga arȳm Met̄indjwȳnh kabēn maro tē. Maro tēn o atēm rā'ān arȳm ajabatānh ne arȳm pr̄ine ama. Met̄indjwȳnh kabēn mexkumrēx kute ano bônh ga arȳm aje tu amikajmātā Kritu Jeju markumrēx nhym arȳm kute apytàrja tām ne ga arȳm pr̄ine o tēn arȳm pr̄ine ama.

¹⁶ Be, Met̄indjwȳnh ne me bakukāmāremā arē nhym me kabēn'ā pi'ōk no'ōk ne, kôt pi'ōk no'ōk ne. Pi'ōk no'ōkja kunī ne kubē me banhō Met̄indjwȳnh kabēnja. Mȳj̄ kadjy ne Met̄indjwȳnh kabēnja? Bir, kute katàt memā Met̄indjwȳnh kukràdjà jarēnh kadjy, kute me axwe nēje me akre kadjy, kôt me kute amū aminhijuk'ā amidjar kadjy, kute katàt me krā pymjȳr nhym me kute katàt mrānho amū amikamēnho mōr kadjy. Be, kadjy ne Met̄indjwȳnh kabēnja. ¹⁷ Nà, Met̄indjwȳnh ta kabēno dja pr̄ine õ àpēnho tȳx ne, pr̄ine o mex gē me kum apȳnh mȳj̄ja mex djàribit kīnh ne ar o ba. Be, dja ā Met̄indjwȳnh Kabēno meo ane.

4

¹ Ŝ, Kritu Jeju dja akubyn me bawȳr bôx ne ar me bajo ba, umao ar me bajo ba. Dja bôx ne me kunī jaxwekam memā pānh jarē, me tīnmē me tykmē me axwekam memā pānh jarē. Kam ne ba Jeju Kritu kabēnkôt, Met̄indjwȳnh kabēnkôt amā ikabēn jarē. Ne amā,

—Š, gora memā Met̄indjwȳnh kabēn jarē. ² Gora pr̄ine memā Met̄indjwȳnh kabēn kôt kàj bē memā arē gē me kuma. Gora 'āno dja. Dja me kute mar prām jabej ga memā arē. Nhym bep djām me kute

mar prām kēt jabej ga kam ga mā akubyn mekmā arē.

Gora Metīndjwȳnh kabēno me ngrēk. Dja me'ō kute Metīndjwȳnh mar kēt jabej ga kum Metīndjwȳnh kabēn jarē gē Metīndjwȳnh kute katāt kabēn jadwjyrkōt amim kuman 'y়r amijo akēx.

Gora me axwe nēje me akre. Dja me axwe jabej ga memā akabēn 'ō jarē gē me axwe kēt.

Gora memā tȳx jadjà. Dja me'ō kute Jeju mar rerek jabej ga kum tȳx jadjà gē 'ā ngrà tȳx.

Dja ga 'ā me 'āno adjāmo anen kanga kēt mex ne akrānmā memā Metīndjwȳnh kabēn'ā ajarē.

³ Dja ī me kute memā mȳjjia kupa'ā arēnh djwȳnh bōx ne kam Metīndjwȳnh kupa'ā ar memā arēnho ba. Nhym mā me mȳjjia punu mar prām ne. Nhym te Jeju nhō me jao ba djwȳnh te katāt memā arē nhym me mar prām kētkumrēx ne. Ne kam me kute kupa'ā memā arēnho bajabit ma ne amim me punubito atom nhym me kumex ne kam atemā memā kabēn punu jarē. Me kute me kabēn punu mar prāmkam ne me me kabēn punubit ma. ⁴ Nām me Metīndjwȳnh kute katāt kabēn jarēnhja mar prām kētkumrēx ne jām kubē krā. Ne kam me tūmre'ā ujarēnh kajgobit mar prām ne.

⁵ Nhym bep ga. Ga dja ga mȳjjia kunīkam ano tȳx ne katāt o tē. Djām me te ajo ajkē ga tu ate akrān ar amijo aba rā'ān mā kam amirīt ne. Gora adjāpēnh 'āno dja. Mȳj adjāpēnh gēdja ga 'āno dja? Ije kum me kute Jeju mar kētjamā kukrādjā ny'ā adjujarēnh gēdja ga 'āno dja. Dja ga mā kam apē, prīne memā Metīndjwȳnh kabēno amirīt ne katāt memā mȳjjia jarēnh mexkumrēx.

6 Ë, arȳm me kute ibīn 'yr. Arȳm itēm 'yr. Arȳm ne itēm djà ijo rām ne jao tē. Ityk'ā, me kute ijo Metīndjwýnh nhō mry ne ibīn ba ityk'ā ne ba arȳm itēm 'yr jarē. Arȳm ne ba amikam kô krān mexo tēn kam amā itēm djà jarē. Arȳm ne ityk djà ijo rām ne jao tē.

7 Nā bām Jejumā idjàpênhō mrāmri ne me kute me prōt tÿxmā mÿjja janhôr nhym me kumrēx 'yr mrānh ne bôx ne kute amÿnhja pyràk. Nā bām ā amikam itÿxo anen Jejumā idjàpênhkôt ajbit ma. Nā bām ā Jejumā idjàpênh anen kam arȳm o ino rer djà'yr arȳm ibôx tē. Nā bām ā 'itÿx anen amijo tēn aminhinomā amimēn arȳm itēmmā. Nā bām ije Jeju kanga kêt ne katàt memā mÿjja jarēn arȳm itēmmā.

8 Nhym kam Bēnjadjwÿr Jeju kute katàt memā o pānh djwÿnhja tām dja imā o pānh. Dja katàt imā o pānh mextire. Arȳm ne ikutêp kudji. Dja imā,

—Akmere, amrē tēn amim aby. Ba arȳm amā ajaxwe kêt jarē ga arȳm imā amexkumrēx. Ne kam on amim aby, ane. Kute memā o pānh nhō akatikam dja imā kungā. Djām bajbit dja imā kungā? Kati, me kute kam amakja, me kum kīnhja kunīmā gêdja kungā, me kunīmā o pānh ne.

Kurê djwÿnh amiwÿr o bôx nhym ate kuka kônh dja.

9 Akmere, gora amrē amibêx ne on iwÿr bôx.

10 Nhym Demaj. Demaj ne kum me kàtäm kukrâdjà punujabit kînh, me kute Metīndjwÿnh kurê djwÿnh kukrâdjà punu jabit ne kum kînh ne ar o ban arȳm ikangan imā iren mā tē, pykabê Texarônika'yr tē. Nhym Krexëxi arȳm pykabê

Garaxa'yr tē. Nhym Xitu pykabê Damaxa'yr tē.
11 Rukabit ne ikuri dja. Maku dja ga aprôn amrē iwyr o tē. Näm ikôt àpênh mexkumrēx. Täm gêdja ga amrē o tē. **12** Xikiku ne ba pykabê Epexu'yr ano.

13 Ë, iwyr atêmkan dja ga amrē imã inhinôkà rytiwão tē. Wanh ne ba gu bakamybê Kapukam kum inhire, krîraxbê Krôwadjikam ne ba kum inhire. Gora amrē imã o tē. Pi'ôk no'ôk ngriwämë no'ôk raxwämë amrē imã o tē. Pi'ôk no'ôktiwä ne ba imã kinhñ. Gora aman amrē imã abyn o tē.

14 Ë, Arexâri kute ngônh nhipêx djwînhja ne prîne ijo ajkë. Metîndjwînh ta dja kum axweo pânh. **15** Gadjwì dja ga aminêje tâwâ pumû. Näm kabëno ar ijapa ne. Näm kabëno ar ijapa: ba te kum ikabëñ mex jarë ne te akre nhym mä kabëno ar ijapan kam prîne kabëno ijo ajkë. Kam ne ba amã,

—Gora aminêje tâwâ pumû, ane. Kam ne ba amã ane.

16 Me kute amiwyr ijo bôx kutewakam nhýnh ne inhôbikwa 'õ ikuri dja? Me kute amiwyr ijo bôx ne we ijaxwe jabej ikukjêro ûr kutewakam? Ba we ijaxweo ije amiptar kadju nàràm me kute bit ibñmä amiwyr ijo bôx ne we ijaxwe jabej ikukjêro nhý. Nhym nhýnh ne inhôbikwa 'õ ikuri dja? Kati, näm ar kunñ ikangan mä prôt ne, mä ipymaje prôt ne. Gora gê inhôbikwa ipymaje prôtwa gora gê Metîndjwînh arkum o pânh kêt ne arkam ujakrânh no kati, arkam ukaprî.

17 Nà, me ne me ipymaje prôt ne. Nhym bep kati, Bênjadjwîr ne ikôt djan imã tìx jadjà ba tu kanàrràm kàj bê memä Metîndjwînh jarë, prîne kunñ'ã ajarë nhym me bajtem kunñ arÿm kuma. Djâm me kute ikukjêrkam uma ngri got. Näm

me kubê rop pràbê uma:kumrẽx. Nhym bep Metindjwýnhbit ne mebê ipytà.

¹⁸ Nhýnh ne mýjja punu 'õ ne kute ijo bikénhmã? Kati, Metindjwýnh ta gêdja inêje jãm mýjja punu dji. Metindjwýnh ta ne kute ipytàr ta gêdja ipytàn ijo tẽn õ pykakam ijo bôx, mõr djàmã ijo bôx ba kam kôt imexkumrẽx ne ar iba. Gora gê me kuní Metindjwýnhmã kàjmã rax jarẽ. Me kuní dja me kàjmã kum rax jarënho tẽ. O tẽm rã'ã rã'ã rã'ã ne. Gora gê me mrãmri o anhýro tẽ.

¹⁹ Dja ga Prixiramẽ Akwire arkum ijarẽ, ne ajte Nexipôrmẽ prõmẽ kramẽ arkum ijarẽ, ar kupãnhhtã arkum ijarẽ. ²⁰ Ë, Eraxu ne kríraxbê Kôritukam arek dja. Nhym Krôpimu kanê, pykabê Miretukam kanê ba kam kum inhiren amrẽ tẽ.

Amrẽ amibêx ne na tým djwýnhràm iwýr bôx.

²¹ Juburmẽ Prudõximẽ Rinumẽ Kraôdjámẽ me kute Jejukôt abeno kamy kuní ne me wãm amã amijarẽ. ²² Gê Bênjadjwýr Jeju prîne ajo ba nhym Metindjwýnhdjwý ukapríkôt prîne me akunõ djuw mex. Tã ne ja.

Metīndjwŷnh Kute Memã Kabẽn Ny Jarẽnh New Testament in Kayapó (BR:txu:Kayapó)

copyright © 2012 Wycliffe Bible Translators, Inc.

Language: Kayapó

Translation by: Wycliffe Bible Translators, Inc.

Kayapó [txu], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kayapó

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 11 Nov 2022 from source files
dated 29 Jan 2022

385317df-3c6a-53ac-81db-0815750ed560